

宋史

第六
函
十
冊

宋史卷二百四十四

列傳第三

宗室一

魏王廷美

燕王德昭

秦王德芳

秀王子降附

昔周之初興大封建宗室及其東遷晉鄭有同獎之功然其衰也
幹弱面枝強後世於是有矯其失者而封建不復古矣宋承唐制
宗王襁褓卽裂土而爵之然名存實亡無補於事降至疏屬宗正
有籍玉牒有名宗學有教郊祀明堂遇國慶典皆有祿秩所寓州
縣月有廩餼至於宗女適人亦有恩數然國祚旣長世代浸遠恆
產豐約去士庶之家無甚相遠者靖康之亂諸王駢首以斃於金
人之虐論者咎其無封建之實故不獲維城之助焉雖然東都之
仁宗南渡之高寧元良虛位立繼小宗大策一定卒無動搖磐石

之固亦可知矣且宋於宗室稍有過差君臣之間不吝於改尤不憚於言涪陵武功真宗卽位尋議追復改葬封其子孫濮邸尊稱
言者惟務格非不少避忌宋末濟邸國事將亾諫疏不息必褒卹
後止是蓋歷代之所難得者與表而出之作宗室傳

悼王廷美字文化本名光美太平興國初改今名太祖兄弟五
兄光濟早亾宋興追封邕王改曹王弟光義卽太宗次廷美次
幼亾追封夔王改岐王建隆元年授廷美嘉州防禦使二年
元尹山南西道節度使乾德二年加同中書門下平章事開
平加檢校太保侍中京兆尹永興軍節度使太宗卽位加中
封尹封齊王又加檢校太師從征太原進封秦王七年三
秦王廷美驕恣將有陰謀竊發上不忍暴其事遂罷廷美
授西京畱守賜襲衣通犀帶錢千萬緡絹絲各萬匹銀萬

兩西京甲第一區詔樞密使曹彬餞廷美於瓊林苑以太常博士
王通判河南府事開封府判官閻矩判留守事以如京使柴禹錫
爲宣徽北院使兼樞密副使楊守一爲東上閤門使充樞密都承
旨賞其告廷美陰謀功也左衛將軍樞密承旨陳從龍爲左衛將
軍皇城使劉知信爲右衛將軍弓箭庫使惠延眞爲商州長史禁
軍列校皇甫繼明責爲汝州馬步軍都指揮使定人王榮爲濮州
教練使皆坐交通廷美及受其燕犒也榮未行或又告榮嘗與廷
美親吏狂言我不久當得節帥坐削籍流海島會趙普再相廉得
盧多遜與廷美交通事上聞上怒責授多遜兵部尙書下御史獄
捕繫中書守堂官趙白秦府孔目官閻密小吏王繼勳樊德明趙
懷祿閻懷忠等命翰林學士承旨李昉學士扈蒙衛尉卿崔仁冀
膳部郎中兼御史知雜事中正禠治之多遜自言案道趙白以中

書機事密告廷美去年九月中又令趙白言於廷美云願宮車晏駕盡力事大王廷美遣樊德明報多遜云承旨言正會我意我亦願宮車早晏駕私遺多遜弓箭等多遜受之間密初給事廷美上卽位補殿直仍隸秦王府恣橫不法言多指斥王繼勳尤爲廷美親信嘗使求訪聲妓怙勢取貨贓污狼藉樊德明素與趙白游處多遜因之以結廷美廷美又遣趙懷祿私召同母弟軍器庫副使趙廷俊與語閤懷忠嘗爲廷美詣淮海王錢俶求犀玉帶金酒器懷忠受俶私遺白金百兩金器絹扇等廷美又嘗遣懷忠齎銀盤錦綵羊酒詣其妻父御前忠佐馬軍都軍頭開封潘潁營燕軍校至是皆伏臯詔文武常參官集議朝堂太子太師王溥等七十四人奏多遜及廷美顧望咒詛大逆不道宜行誅滅以正刑章趙白等處斬詔削奪多遜官爵并家屬流崖州廷美勒歸私第趙白閤

密王繼勳樊德明趙懷祿閻懷忠皆斬於都門外籍其家財詔秦王廷美男女等立正名稱貴州防禦使德恭等仍爲皇姪皇姪女適韓氏去雲陽公主之號右監門將軍韓崇業降爲右千牛衛率府率仍去駙馬都尉之號並發遣西京就廷美居止五月貶西京畱守判官閻矩爲涪州司戶參軍前開封推官孫嶼爲融州司戶參軍皆秦王廷美官屬坐輔導無狀也趙晉以廷美謫居西洛非便復教知開封府李符上言廷美不悔過怨望乞徙遠郡以防它變詔降廷美爲涪陵縣公房州安置妻楚國夫人張氏削國封命崇儀使閻彥進知房州監察御史袁廓通判州事各賜白金三百兩八年正月涪陵縣公廷美母陳國夫人耿氏卒雍熙元年廷美至房州因憂悸成疾而卒年三十八上聞之嗚咽流涕謂宰相曰廷美自少剛愎長益凶惡朕以同氣至親不忍寘之於法俾居房

陵冀其思過方欲推恩復舊遽茲殞逝痛傷奈何因悲泣感動左右遂下詔追封廷美爲涪王謚曰悼爲發哀成服其後太宗從容謂宰相曰廷美母陳國夫人耿氏朕乳母也後出嫁趙氏生廷俊朕以廷美故令廷俊屬韃左右而廷俊泄禁中事於廷美邇者鑿西池水心殿成橋梁未備朕將泛舟往焉廷美與左右謀欲以此時竊發不果卽詐稱疾於邸俟朕臨省因而爲變有告其事者若命有司窮究則廷美辜不容誅朕不欲暴揚其醜及盧多遜交通事發止令居守西洛而廷美不悔過益怨望出不遜語始命遷房陵以全宥之至于廷俊亦不加深辜但從貶宥朕於廷美蓋無負矣言未訖爲之惻然李昉對曰涪陵悼逆天下共聞西池禁中事若非陛下委曲宣示臣等何由知之初昭憲太后不豫命太祖傳位太宗因顧謂趙普曰爾同記吾言不可違也命普於榻前爲約

誓書晉於紙尾書云臣晉書藏之金匱命謹密宮人掌之或謂昭
憲及太祖本意蓋欲太宗傳之廷美而廷美復傳之德昭故太宗
既立即令廷美尹開封德昭實稱皇子德昭不得其死德芳相繼
天絕廷美始不自安已而柴禹錫等告廷美陰謀上召問晉晉對
曰臣願備樞軸以察姦變退復密奏臣忝舊臣爲權倖所沮因言
昭憲太后顧命及先朝自愬之事上於宮中訪得晉前所上章并
發金匱得誓書遂大感悟召晉謂曰人誰無過朕不待五十已盡
知四十九年非矣辛亥以晉爲司徒兼侍中它日太宗嘗以傳國
之意訪之趙晉晉曰太祖已誤陛下豈容再誤邪於是廷美遂得
舉凡廷美所以遂得舉晉之爲也至道初命司門員外郎孫贍爲
皇姪諸孫教授廷美諸子之在京者肄業焉眞宗卽位追復皇叔
涪王廷美西京畱守檢校太師兼中書令河南尹秦王張氏楚國

夫人咸平二年閏三月詔擇汝鄧地改葬汝州梁縣之新豐鄉仁
宗卽位贈太師尙書令徽宗卽位改封魏王子十人德恭德隆德
彝德雍德鈞德欽德潤德文德愿德存故事皇族封王者物故則
本宮之長封國公其後以次受封於是德鈞子承簡屬最長襲封
徐國公官至保康軍畱後贈彰化軍節度使安定郡王諡和懿承
簡旣薨德雍子承亮襲封昌國公神宗卽位拜感德軍節度使改
封榮熙寧二年詔宣祖太祖太宗之子皆擇其後一人爲宗世世
封公以奉其祀不以服屬盡故殺其恩禮三年太常禮院言本朝
近制諸王之後皆用本宮最長一人封公繼襲去年詔祖宗之子
皆擇其後一人爲宗世世封公卽與舊制有異案禮文諸王公侯
伯子男皆子孫承嫡者傳襲若無嫡子及有孱疾立嫡孫無嫡孫
以次立嫡子同母弟無母弟立庶子無庶子立嫡孫同母弟無同

母弟立庶孫曾孫以下準此合依禮令傳嫡承襲詔可乃以承亮
爲秦國公奉秦王廷美祀明年薨贈樂平郡王諡曰恭靜子克愉
嗣克愉卒子叔牙嗣元符三年改今封德恭字復禮太平興國四
年以皇子出閣拜貴州防禦使廷美徙房陵諸子悉從行因免官
廷美卒復以德恭爲峰州刺史弟德隆爲灤州刺史韓崇業爲靜
難行軍司馬雍熙元年十二月詔以德恭爲左武衛大將軍封安
定郡侯判濟州德隆爲右武衛大將軍封長寧郡侯判沂州諸弟
皆隨赴治所令高品衛紹欽送至州常奉外歲給錢三百萬命起
居舍人韓檢右補闕劉蒙叟分任二州通判上臨遣之曰德恭等
始歷郡善裨贊之苟有關失而不力正止臯爾等端拱元年進封
德恭安定郡公淳化四年改左驍衛大將軍至道二年加左神武
大將軍眞宗嗣位就轉左武衛大將軍咸平二年召赴闕改封樂

平郡公判虢州乞奉朝請從之遷勝州團練使景德初改衡州防禦使三年被疾子承慶判股肉食之五月卒年四十五上臨哭之慟廢朝三日贈保信軍節度使追封申國公天禧二年從承慶請加贈護國軍節度兼侍中明道二年追封高密郡王諡慈惠子承慶承壽承慶官至和州團練使卒贈武信軍節度使循國公子六人克繼善楷書尤工篆隸宗正薦之仁宗親臨試及令臨蔡邕古又法寫論語詩書復詔與朝士分隸石經帝曰李陽冰唐室之秀今克繼朕之陽冰也訓子弟力學一門登儒科者十有二人嘗進所集廣韻字源帝稱善藏之祕閣元祐五年以定武軍節度觀察畱後卒贈開府儀同三司建國公諡章靖承壽終南作坊使贈德州刺史武當侯子四人克己曉音律嘗作雅樂圖樂曲以獻侍宴大清樓進所學虞世南書賜器加等終右千牛衛大將軍贈深州

防禦使饒陽侯子叔韶字君和慶曆六年與諸宗子帝前臨真宗
御書選第一皇祐初造所爲文召試學士院中等賜進士及第白
太子右監門率府副率遷右領軍衛將軍入謝命坐賜茶仁宗曰
宗子好學者頗多獨爾以文章第進士前此蓋未有也朕欲天下
知屬籍有賢者宜勿忘所學叔韶頓首謝既退又出九經賜之遷
右屯衛大將軍至和中上書求試煩劇加領賀州刺史終和州防
禦使贈鎮東節度觀察畱後會稽郡公克修字子莊仁宗爲皇子
時得出入禁中侍學故仁宗待遇殊厚帝嘗御太清樓召宗室試
書以克修爲善終右神武軍大將軍成州團練使贈同州觀察使
馮翊侯子叔充父早世異母弟叔瑁甚幼叔充拊視誨敕成人先
是繼母無敘封法叔充請於朝詔從之遂爲定制藏書至萬卷子
九人登科者三卒官唐州防禦使贈崇信軍節度使尹國公諡孝

齊遺表祈任子有司格不下子撫之抗章自列乞如外官法朝廷
從其請宗室正任有遺恩自此始德隆字曰新雍熙三年卒官沂
州守年二十三贈寧遠軍節度追封臨沂郡公天禧二年從其子
承訓之請加贈崇信軍節度同平章事承訓官至順州刺史卒贈
深州團練使德彝字可久太祖召鞠於宮中德隆卒授右千牛衛
大將軍封長寧郡侯代兄德隆判沂州時年十九飛蝗入境吏民
請坎瘞火焚之德彝曰上天降災守臣之臯也乃責躬引咎齋戒
致禱旣而蝗自殪儒生乙恕者郊居肄業一日有尸橫舍下所司
捕恕抵獄將寘於法德彝疑其冤命它司案之無異因令緩刑以
俟未幾果獲殺人者恕遂得釋進封郡公淳化四年爲右監門衛
大將軍遷左武衛大將軍改封廣平郡民詣闕乞畱有詔嘉獎真
宗初召還咸平二年命判滁州與德恭竝畱不遣三年授徐州刺

史彙遷保信軍節度觀察畱後大中祥符八年卒年四十九上臨
奠廢朝三日贈昭信軍節度使追封信都郡王諡安簡明道二年
改封潁川子承謨前卒承矩終莊宅使贈博州刺史承勛至供奉
官贈六宅副使承範承拱竝西京作坊使承衍內殿崇班承錫供
奉官德雍字仲達淳化初授右驍衛將軍歷右羽林龍武二將軍
彙遷蔡州觀察使咸寧郡公終天平軍節度觀察畱後贈宣德軍
節度同中書門下平章事諡康簡明道中追封廣陵郡王子承睦
承亮承睦終左領軍衛大將軍彭州團練虔州觀察使南康侯承
亮封秦國公事見上德鈞字子正性和雅善書翰好爲篇什淳化
初拜右武衛將軍四遷至右衛將軍景德二年加右監門衛大將
軍四年卒贈河州觀察使追封安鄉侯時妻亦卒男女十四人皆
幼上甚嗟悼之子承震早卒承緒供奉官承偉承雅承裔承鑑承

則竝西京作坊使承裕禮賓副使承翊內殿崇班承簡襲徐國公承幹終懷州防禦使贈保靜軍節度使蕭國公子克敦嗜經術以宗正薦召試中選賜錢三十萬元豐閒集父承幹遺文以進神宗嘉之詔承幹父子以藝文儒學名于宗藩宜有褒勸於是追封承幹爲東平王而賜克敦敕書獎諭以宣州觀察使卒贈開府儀同三司和國公德欽字丕從淳化元年授右屯衛將軍四遷右羽林將軍景德元年六月卒年三十一贈雲州觀察使追封雲中侯子承遵西京作坊使德潤字溫玉頗好學善爲詩淳化元年始授右領軍衛將軍四遷右羽林將軍咸平六年二月卒年三十九贈應州觀察使追封金城侯德文字子砥淳化初授右監門衛將軍象遷渭州觀察使馮翊郡公少好學凡經史百家手自鈔撮工爲辭章真宗以其刻勵如諸生嘗因進見戲呼之曰五秀才宮中由是

悉稱之德文本廷美第八子其兄三人早卒故德文於次爲第五也帝封泰山祀汾陰幸亳德文必奏賦頌帝每賜詩輒令屬和數言願得名士爲師友特命翰林學士楊億與之游億卒爲詩十章悼之天聖中遷橫海軍節度觀察畱後拜昭武軍節度使易感德武勝二軍加同中書門下平章事仁宗嘗稱爲五相公而不名慶曆四年宗室王者四人以德文屬祖且賢方漢東平王蒼進封東平郡王加兼侍中德文雖老嗜學不倦晚被足疾不能朝六年夢年七十二初得疾仁宗臨視親調藥飲之及訃聞復臨哭贈太尉中書令申王諡恭裕子六人承顯以王後襲封康國公官至昭化軍節度使夢年七十四贈太尉樂平郡王德愿字公謹淳化元年授右千牛衛大將軍三進秩爲左武衛大將軍咸平二年閏三月卒年二十四贈涼州觀察使追封姑臧侯德存字安世九歲授右

千牛衛將軍歷監門至驍衛從祠泰山領樊州刺史祀汾陰以恩
遷左羽林將軍大中祥符四年六月卒年三十贈洮州觀察使追
封洮陽侯子承衍禮賓副使

太祖四子長滕王德秀次燕懿王德昭次舒王德林次秦康惠王
德芳德秀德林皆早亡徽宗時追賜名及王封

燕懿王德昭字日新母賀皇后乾德二年出閣故事皇子出閣卽
封王太祖以德昭冲年欲其由漸而進授貴州防禦使開寶六年
授興元尹山南西道節度使檢校太傅同中書門下平章事終太
祖之世竟不封以王爵太宗太平興國八年改京兆尹移鎮永興
兼侍中始封武功郡王詔與齊王廷美自今朝會宜班宰相之上
三年二月娶太子太傅王溥女封韓國夫人是冬郊祀加檢校太
尉四年從征幽州軍中嘗夜驚不知上所在有謀立德昭者上聞